

# **Elhuyar Euskara-Frantsesa Hiztegia Office 2003, 2007 eta 2010erako**

## **Eskuliburua**



**HEZKUNTZA, HIZKUNTZA POLITIKA  
ETA KULTURA SAILA**

Hizkuntza Politikarako Sailburuordetza

**DEPARTAMENTO DE EDUCACIÓN,  
POLÍTICA LINGÜÍSTICA Y CULTURA**

Viceconsejería de Política Lingüística

## 1. Hasierakoak

Eskuliburu honetan, Word testu-prozesadorean integratutako Elhuyar EU/FR Hiztegi elebiduna (Euskara-Frantsesa/Français-Basque) kontsultatzeko modua azalduko dugu.

Tresna honek euskarazko edo frantsesezko hitz batek beste hizkuntzan (euskara → frantsesa, frantsesa → euskara) dituen itzulpenak edo ordainak eskaintzen dizkio erabiltzaileari.

*Windows 2000/XP/Vista/Windows 7* sistema eragilea instalatuta duten ordenagailuetan dabil. Hiztegi-kontsulta *Microsoft Word 2003, Microsoft 2007 edo Microsoft Word 2010* aplikazioan integratzen da, Microsoft Word testu-prozesagailuaren *Erreferentzia* panelean hain zuzen, beste hizkuntzetako hiztegiak kontsulta daitezkeen modu berean.

## 2. Instalazioa

Elhuyar EU/FR Hiztegiaren plug-in-a testu-prozesadorean integratzeko, nahikoa da *ElhuyarEUFRHiztegia.msi* fitxategian bi aldiz klik egitea eta, hortik aurrera, instalaziorako laguntzaileak ematen dituen argibideak jarraitzea.



#### 1. irudia: Instalatzailearen lehen pantaila

### 3. Erabilera

Elhuyar EU/FR hiztegien kontsulta egin ahal izateko, *Erreferentzia* panelak pantailan ikusgai egon behar du. Panela aktibatzeko hiru modu daude:

1. Goiko menutik: *Tresnak* → *Hizkuntza* → *Itzuli...* aukeratuz (Office 2003) edo *Berrikusi* → *Itzuli* aukeratuz (Office 2007/2010)
2. Hitzaren gainean eskuineko botoiari klik eginez eta *Itzuli* aukeratuz
3. Hitzaren gainean *ALT* + *klik* eginez (*ALT* botoia sakatuta mantendu behar da klik egiten den bitartean).

Panela ikusgai dugularik, nahikoa da paneleko lehenengo kutxan kontsultatu nahi dugun hitza idaztea, ondoren iturburu-hizkuntza (ikus 2. irudian *Hemendik* zerrenda) eta helburu-hizkuntza (ikus 2.irudian *Hona* zerrenda) aukeratzea eta azkenik botoi berdea sakatzea, modu horretan azpian ordainak ikusteko. Kontsultatu nahi dugun hitza euskarazkoa bada, *Hemendik* zerrendan *Euskara* eta *Hona* zerrendan *Frantsesa (Frantzia)* aukeratu behar dira. Frantsesezkoa bada, aldiz, *Hemendik* zerrendan *Frantsesa (Frantzia)* eta *Hona* zerrendan *Euskara*.

**Erreferentzia**

Bilatu hau (jatorrizko instalazioaren hizkuntzan):  
 etxe

Erreferentzia-liburu guztiak

Atzera

**Itzulpena**

Itzuli hitz edo esaldi bat.  
 Hemendik Euskara  
 Hona Frantsesa (Frantzia)

Bidali dokumentua itzultzeko Internet bidez enkriptatu gabeko HTML formatuan

[Itzulpen-aukerak...](#)

**Hiztegi elebiduna**

**etxe.**  
*iz.* 1. [*eraikina*] maison, bâtiment. 2. [*bizilekua*] logis, habitation, demeure. 3. (hitz-elkarte baten bigarren osagai gisa) maison, édifice. 4. famille, extraction. 5. [*enpresa*] firme, société. 6. (hitz-elkarteen osagai gisa) (Teknol.) construction, système, ensemble. *Goide-etxea*: l'ensemble des pièces de la charrue. □ **etxe orratz.** gratte-ciel.

**etxe.**  
*iz.* (batez ere pl.) qui est de la maison/famille, familial. □ **etxe egin/bihurtu.** devenir habituel, familial.

**etxekotu, etxe(ko)(tu), etxekotzen.**  
*da/du ad.* 1. (se) familiariser, (s')habituer à la maison, (s')apprivoiser. +*du ad.* 2. [*animalia*] apprivoiser.

## 2. irudia: Kontsulta baten adibidea

*Erreferentzia* panela aktibatzeke 2. eta 3. moduak erabiliz gero, ez da beharrezkoa lehenengo kutxan kontsultatu nahi den hitza idaztea, automatikoki kurtsorea dagoen hitza agertuko da kutxan.

Kontsultak gehiago azkartze aldera, testuaren hizkuntza ezarrita edukiz gero, ez da beharrezkoa iturburu-hizkuntza aukeratzea, automatikoki testuaren hizkuntza erabiliko baitu horretarako. Testuaren hizkuntza ezartzeko ikus **3.1. Hizkuntza aukeratzea** atala. Jatorrizko hizkuntzak hiztegi bat baino gehiago instalaturik izanez gero, helburu-hizkuntza ongi dagoen begiratu behar da.

Dokumentu bat idazten denean askotan suertatzen da testuan idatzitako hitza flexionatua egotea (etxeko, amaren,...) eta zuzenean hiztegi-sarrera ez izatea. Hori dela eta, kontsulta egin aurretik lematizazio-prozesua aplikatzen zaio testuko hitzari eta bilaketak lemaren gainean burutuko dira (ikus **3.2 Lematizazioa** atala).


### **3.1 Hizkuntza aukeratzea**

Dokumentu berri baten hizkuntza aukeratzeko, *Tresnak* menuko **Hizkuntza** → **Ezarri hizkuntza** (Office 2003) edo **Berrikusi** → **Hizkuntza** (Office 2007/2010) aukeran *Euskara* edo *Frantsesa (Frantzia)*— *dagokiona* — aukeratu behar dira.

Dagoeneko osatua dagoen testu baten edo hitz bakar baten gainean hizkuntza aukeratzeko, aurreko urrats berak egin behar ditugu, testu osoa edo delako hitza hautaturik dugula.

### **3.2 Lematizazioa**

Testuko hitz flexionatutik (*gizartea, gizartean, ...*) lema (*gizarte*) topatzeko prozesua da. Lematizazio-prozesua kontsulta egin aurretik aplikatzen da, testuan idatzitako hitzaren gainean edo zuzenean *Bilatu hau* kutxan idatzitako hitzaren gainean. Lema bakoitzeko, bilaketa bat egin behar da hiztegian. Adibidez, *etxeko* hitza kontsultatzen badugu, honek hiru lema bueltatuko dizkigu: *etxe, etxeko* eta *etxekotu*. Hirurak hiztegi-sarrerak direnez, hiru sarreraren ordainak ikusiko ditugu Erreferentzia panelaren emaitzan (ikus 2. irudia).



### 3. irudia: Kontsulta baten adibidea (II)

Lematizazio-prozesua bereziki interesgarria da euskararen kasuan, baina frantsesaren kasuan ere aplikatzen da. Esaterako, *change* hitza kontsultatuz gero *change* eta *changer* lema lortuko genituzke (ikus 3. irudia).

## 4. Desinstalazioa

Gure tresnaren funtzioak eta baliabideak Word testu-prozesadoretik kendu ahal izateko (menu-aukera berriak...), hauxe egin behar da:

- *Hasi* menutik *Ezarpenak* → *Kontrol-panela* hautatu
- *Gehitu/Kendu programak* aukera hautatu
- *Instalatu/Desinstalatu* fitxako zerrendan, egin klik bi aldiz “Elhuyar EU/FR Hiztegia” aukeran (ikus 4. irudia).



### 4. irudia. Programak gehitu edo kentzeko pantaila

Hori eginda, produktuak erabiltzen dituen hiztegi eta liburutegi guztiak gure sistematik ezabatu egingo dira.